

+

CONSTITUTIONES

UNIVERSITATIS MEXICANAE

*Tomada de mano*

**CONSTITUTIONES**

**UNIVERSITATIS MEXICANAE**

ADDITIS

**NONNULLIS DOCUMENTIS**

AD

**EIUSDEM ERECTIONEM**

**PERTINENTIBUS**



**MEXICI.**

**EX TYPOGRAPHIA SACRATIS. CORDIS IESU**

*In via (vulgo) calle de Meleros, antigua Plaza del Volador*

**MDCCCXCVI**

## DECRETUM

ILLMI. AC RVMI. ARCHIEPISCOPI MEXICANI

**D. DR. PROSPERI M. ALARCON**

DE UNIVERSITATIS ERECTIONE, VI FACULTATUM APOSTOLICARUM

---

Quandoquidem veram solidamque scientiam Christi Sacerdotibus summopere necessariam esse in comperto apud omnes est, idcirco omnem curam omneque studium in id multo abhinc tempore contulimus, ut studiosa juvenus in nostro Conciliari Seminario ea scientia imbuatur, quae apprime confert ut strenui Ecclesiae ministri haberi, fideique catholicae adsertores conspicui informari queant. Hinc, nulla intermissa ope et labore, Theologicam in primis scientiam curavimus purissimae Sti. Thomae doctrinae accomodari, iis selectis auctoribus, qui eius *inconcussa et tutissima dogmata*, miro ordine et perspicuitate tradunt. Professores autem huius Theologicae Scientiae conspicuos selegimus, ut in scholis tum matutina tum vespertina, per quadriennium uberiores tractationem, Scholasticorum vestigiis insistentes, haberent. Circa Philosophiam autem, planum est ipsam cum Theologia arctissimo vinculo devinctam, ad eam tamquam pedissequam sternere viam, eiusque per plures annos studium absolvi debere, ut ea maturitate et sedulitate fiat, quam res abstrusissimae sibi vindicant. Hoc animadvertentes, triennium huic studio debere tribui decrevimus. Quoad jus vero Canonicum, ut plenior ube-

riorque scientia habeatur, praeter Institutionum Canoniarum studium, Decretalium etiam scholas matutinam pariter ac vespertinam a distinctis spectatissimisque professoribus habendas ereximus. Ne quid vero stimuli studiosae deesset iuventuti, quae in spem Ecclesiae succrescit, utque praemiis ad altiora subtilioraque studia alliceretur, nil antiquius aequae ac optabilius habuimus, quam suppressae temporum iniuria Universitatis Mexicanae defectui occurrere. Hac de causa enixe ab Apostolica Sede iterum iterumque facultatem efflagitavimus academicos conferendi gradus. Res autem adeo prospere successit, ut conatus votaue nostra plene expleta ac superata videamus. Nam S.S. Pontifex Leo XIII lubentissimo animo nostris precibus annuens, summa qua pollet auctoritate, facultatem Nobis elargitus nuperrime est, Constitutionibus a Nobis propositis rite adprobatis, Universitatem erigendi in nostro Seminario, gradusque academicos, tam in S. Theologia quam in Jure Canonico, apostolica concedendi facultate una cum Collegio Doctorum, ab eodem S. Pontifice pariter cum omnibus iuribus et privilegiis ad id muneris adprobato. Quapropter, facultatibus Nobis per Apostolicas litteras concessis, rite utentes, Doctorum pleno habito conventu, canonicam erectionem Universitatis Mexicanae decrevimus, ac, ut pro erecta in Nostro Seminario Conciliari, ab omnibus per hasce praesentes litteras haberi volumus et statuimus.

In quorum fidem hasce litteras manu nostra subscriptas et sigillo nostro munitas dedimus.

Mexici, die 3<sup>a</sup> Martii 1896.

LOCO ✠ SIGILLI.

*Prosper M. Alarcon,*  
*Archiep. Mexic.*

*Melesius Varquez, a Secretis.*

## INSTRUMENTA

QUAEDAM

### PONTIFICIAE UNIVERSITATIS MEXICANAE

ERECTIONEM ATTINENTIA.